

ARUBA ANSE COURANT

OPTIEK
Oranjestad
San Nicolas



Spritzer Fuhrmann

DRINK
Coca-Cola

Diario



pa Aruba

DRINK ALWAYS
ORANGE CRUSH
from
Tropical Bottling Co.
call: 1773



The Beer That
Made Milwaukee Famous

Pa efectua un paz husto, Merca ta dispuesto semper pa discuti cu bon boluntad cu Rusia

Washington 7 jan. — Presidente Eisenhower di Merca a bisa awe entre otros durante su mensahe di 'State of the Union', cu Merca ta dispuesto semper na cuminsa discusionnan cu bon boluntad, cu Rusia, pa efectua un paz husto.

El a bisa cu durante su ultimo anja oficial di funcion lo e dedica tur su energia na e tareanan cu mester worde haci, loke por inclui biahanan pa stimula mehor comprendimentu den mundo, discusionnan pa reduci e cantidad di cooflictonan internacional y discusionnan continuo cu congresso y pueblo mericano, tocante preguntanan riba terreno interno y extrahero.

E presidente a mustra cu "reciente declaracionnan ruso ta indica e posibilidad cu lo bini un era di menos tension den e relacionnan mericano-ruso".

El a bisa cu si e declaracionnan ey a worde haci cu bon intencion, lo ta posible podiser, pa kibra e circulo desastroso di desilusion y crisisnan, pasobra si esey no socede, lo por bini un guerra atomico cu lo trece destruccion completo.

Ni Merca ni e otro paisnan liber no por permiti pa larga influencia nan cu promesanan bunita; e declaracionnan cu a worde haci, mester worde sigui pa hechonan.

E presidente a continua bisando, cu e ultimo 14 lanzamientu dje

Tres explosion den dos dia na Caracas

CARACAS, 7 januari. — Un bom a worde explota diamars anochi na un distancia di 50 meter for di residencia di Mgr. Gesu Maria Felling, canonigo dje Cathedral di Caracas. Esaki tabata e tercer explosion di bom den 2 dia di tempo. Por a tende tiramentu na otro partinan dje ciudad.

raket intercontinental "Atlas" cu tin un alcance di 8.000 km, tabatin exito — e raketnan a yega 3.2 km for di nan doel, loke kier mwen cu si tabata un guerra di berdad, e doel lo a worde destrui.

Eisenhower a bisa cu e otro paisnan occidental cu un industria desarrolla ta dispuesto na yuda en berdad pa desarolla e paisnan cu a keda atras.

El a bisa cu, aunke cu Merca ta luga

cha pa un paz cu garantia, e mester mantene un grado haltu di vigilancia militar mientras cu e ta discuti reduccion di armamentu. "No mester larga Merca su capacidad defensivo bira debil, mientras cu arreglanan no a worde tuma pa un reduccion berdadero, di desarme di ambo banda, bao di supervisacion", asina e presidente a bisa.

Eisenhower no a lesa henter su mensahe na congresso. Casa Blanca a declara cu den e caso ey lo e mester a para lesa pa como 50 minuut. E no tabata kier haci esey y e no tabata kier obliga e miembran di congresso tampoco di sinta scucha pa tur e ora ey.

Na fin di februari Eisenhower lo cuminsa su jira

Washington 7 jan. — Presidente Eisenhower di Merca y su esposa lo bishita Brazil, Argentina, Chili y Uruguay, na fin di februari y cuminzamento di Maart, asina a worde informa oficialmente na Washington.

E presidente lo bishita Brazil for di dia 23 te dia 26 di februari, Argentina for di dia 26 te dia 19, Chile for di dia 29 di februari te dia 2 di Maart y Uruguay for di dia 2 te dia 3 di maart.

E anuncio ta bisa cu e biahe aki ta parcialmente cumplimiento di un desco cu Eisenhower tabatin desde hopi tempo, pa bishita Sur America, pa renova e amistad di lidernan di paisnan cu tin relacionnan estrecho cu Merca.

E biahe lo worde haci cu avion, asina e anuncio di Casa Blanca ta bisa.

Podiser presidente Eisenhower lo sosoga na Puerto Rico despues dje biahe.

E gira aki lo no cumpli completamente cu desco di Eisenhower, pasobra

bra su esquema di tempo no ta permiti pa e bishita mas cu 4 pais.

E presidente ta spera cu su biahe lo ta na beneficio di dos ideal. Na prome lugar e kier demostra su gran interes pa tur pais di mundo nobo y tambe e ta spera cu lo e por stimula desarollo mas aleu dje sistema interamericano.

Hagerty, secretario di prensa di Eisenhower, a bisa cu e ministro di asuntunan exterior di Merca, Herter, lo acompaña e presidente.

Cuater bom a explota na Caracas

CARACAS, 7 januari. — Ajer awoch 4 bom a explota na Caracas; un di nan a explota cerca di cas dje ministro interior di asuntunan interior, Ramon Velazquez, y uno a explota dilanti embahada di Nicaragua.

Encendio den school Hudiu na Brooklyn

NEW YORK, 7 januari. — Diamars un candela a cuminsa den un school judio na Brooklyn, New York. Poliznan ta kere cu ta hende a cende e candela y e no ta un accidente. Algun dia pasa nan a pinta un svastica corra-pretu na un dje murajanan dje school. Un maestro di school a descubri e candela, ora cu tabatin 80 mucha den e school ainda. E candela a cuminsa den e cuarto di warda panja riba tercer piso, cerca un klas

den cual tabatin 40 mucha. Tur e muchanan a logra di bandona e edificio. E danjo causa no ta grandi y brandweer a logra di paga e candela liber.

Cierto informacion ta bisa cu net prome cu nan a descubri e candela, tabatin 3 mucha homber den e cuarto na unda e candela a worde descubri, cu no ta alumno dje school ey.

Na Bogota tambe nan a pinta senjalnan anti semita

BOGOTA, 7 januari. — Na cinco lugar na Bogota, capital di Colombia, nan a pinta svasticanan y lemanan anti-semita ajer nochi, particularmente na murajanan di un synagoga sefardista. E agencia frances di prensa AFP ta informa cu desde october di anja pasa por a mira svasticanan na varios muraja na Bogota.

E autoridatnan a cuminsa un investigacion, y nan ta kere cu ta trata di un "imitacion irresponsable" y no un demostracion berdadamente anti-semita.

Poco despues di medianochi poliznan di kulki na murajanan dje catedral protestant di San Juan Bautista. E biaha aki no tabata svasticanan, pero streevan di David (emblemna di judianan) y e palabranan "un wowo pa un wowo".

Asunto di Peru desmenti

WASHINGTON, 7 januari. — Awe ministerio mericano di asuntunan exterior a desmenti cierto noticia di prensa: segun cual presidente Eisenhower a dicidi di no bishita Peru pa motibu cu ta existi un conflicto di frontera entre e pais ey y Ecuador.

Manera ta conoci Eisenhower lo bishita Brazil, Argentina, Chile y Uruguay, for di dia 23 di februari te dia 3 di maart.

Un raket "Atlas" cla pa ora di emergencian na California

NEW YORK, 7 januari. — Tin un raket intercontinental di tipo "Atlas" cu un bom di hidrogeno como carga, cla na e base aereo mericano Vandenberg na California, pa worde lanza den caso di emergencian. E bom por worde lanza di dia of di anochi.

Asina a worde informa ajer nochi durante un programa nacional mericano na television tocante vigilancia di democracia. E Atlas por start 19 minuut despues cu presidente Eisenhower duna order pa lazele, asina e comentarista a informa.

Un corresponsal di CBS a declara cu 6 instalacion nobo pa lanzamento di raket lo worde construi.

Na Cabo Canaveral nan a lanza un Atlas cu exito pa di 15 biaha. E raket a cai, precisamente den e doel (den Atlantico na altura dje isla Ascension).

ESQUI TA "THE FLYING CARCASS".



E ta un plataforma aerea construi pa Curtiss-Wright cu ta ser usa pa U.S. Army i ta haciendo awor manuvranan te na Fort Ord, banda di Monterey, Calif. Oficialmente e ta VZ-7AP e ta aterriza verticalmente i ta haci tur sorto di trabao. E destina pa bula abao pa persigui enemigunan hizando cosnan pisa foi suela. E ta un dje inventonan masha moderno i util alavez.

Pinturanan anti semita na murajanan na Sao Paulo

RIO DE JANEIRO, 7 januari. — Ajer nochi nan a pinta svasticanan y lemanan anti-semita na murajanan dje sinagoga di Sao Paulo. Parce cu nan a trata di dreinta e edificio, tambe. Na Porto Alegre, capital dje estado Rio Grande do Sul, tambe nan a pinta svasticanan na e murajanan di un edificio, cu e colecta israelita dje ciudad ey sa bishita.

Mariscal Teixeira Lott, ministro di guerra y candidato presidencial, a expresa su mes fuertemente contra e demostracionnan aki di anti-semitismo, cu el a jama "lamentable". "despues di tantu conflicto y tantu matamentu riba mundo".

PRINS BERNHARD TA LOGEEER DEN ARUBA CARIBBEAN HOTEL

ORANJESTAD — S.A.R. Prins Bernhard lo yega nos isla dia 22 dje luna aki parti tardi cu un avion cu e bini di Mexico, y cu special pa e ocasion aki ta hasi un tussenlanding na Aruba. Segun ta conoci caba e Prins lo hospeda den Aruba Caribbean Hotel pa sigui su biaha pa Corsow siguiente mainta.

Griffier J. Elconora un cuarl siglo den Landsdienst

ORANJESTAD — Dia 15 awor, mr. Jan Elconora, subst. griffier na Corte di Aruba, a la vez griffier na Corte di prome instancia y hefe di griffie, ta spera di celebra su hubileo di 25 anja como ambtenaar den Landsdienst. Pa motibu di rouw e hubileo lo worde celebra den circulo intimo.

PETICION DI QUIEBRA PA KELLOGG NA ARUBA

ORANJESTAD — Ta manera un fabula dje muskita y e olifante, pero ta puro berdad, cu ayera mainta e abogado di senjor A. E. Richardson na corte fiscal na Aruba a hasi un demando di quiebra contra e compania grandi di Kellogg. Motibo: des-acuerdo entre Kellogg y senjor Richardson tocante pagamentu di f 250 pa luna na Richardson. E pago aki mester worde considera como un adelantado te ora cu huez dicidi tocante e demando pa paga na senjor Richardson e suma di f 80.000.— di dje dje di perhuicio, cual senjor Richardson ta spera di cobra dje compania Kellogg pa motibu di un accidente grave di trabao cu e la sufri na trabao dje compania aki, di manera cu e ta mas cu anja y mei invalido y incapaz pa traha.

E abogado di senjor Richardson ta bisa: "Kellogg no kier paga" y e abogado di Kellogg ta bisa: "Nos tin ber motibu pa na e momento aki no paga ainda."

Pa e desicion di huez pa pagamentu dje suma di f 250.— pa luna, Kellogg a apela poco dia pasa.

School pa mucha muher na Dakota a habri

ORANJESTAD — Masha ketu, sin ningun festa di inauguracion e school nobo na Dakota pa mucha muhernan a worde tuma den uso despues di bendicionamento. E school di Nuestra Sra. di Fatima tin seis klas L.O. y un frobelafdeling. Pa e muchanan di frobelafdeling despues lo worde traha un lokal aparta den e school aki. Zuster Magdalena actualmente ta hefe dje school y tambe ta e unico soeur entre e personal di school. Na tur tin 145 mucha ta bai e school aki, cual mavor parti a bini di Rosaschool na Oranjestad, cual awor a hanja poco mas espacio robe.

E fiesta inaugural oficial di e school nobo cu ta situa den Patiastraat, probablemente lo tuma lugar dia di inauguracion dje school catolico pa mucha homber cu ta den construcion, actualmente y cu ta keda un poco mas leeuw di e Fatima-school.

BASI RUTI HOTEL CLUB

invites you to a
SPECIAL DINNER and SPECIAL LUNCHEON
on
Saturday, January 9th
MENU
Ravioli in delicate tomato sauce
—
Consomme aux Croutons
—
Scallops of veal, white wine,
Rice Creole, Artichok Farcé
—
Apple Pie au Mode
—
Demi Tasse
or
Tea
Fl. 6.00

on
Sunday, January 10th
MENU
Half Tropical Grape Fruit
Au Licoor Curacao
or
Soup Stracciatella a la Romana
—
Paella a la Valenciana
White Rice, Chicken, Pimientos,
Oysters, Pork, Chorizos, Shrimps
—
Salade a la "Ciro"
Gautto Glace
—
Demi Tasse
or
Tea
Fl. 5.50

DANCIN ON THE TERRACE
Sunday January 10th, at 3.00 p.m.
Music: G., RHYTHM FIVE"



AUSTIN "7" NA ARUBA

ORANJESTAD — Den showroom di La Victoria ta exhibi e elegante auto chikito cu tin enorme espacio interior. Revolucionario den e auto aki ta e motor di cuater cylinder, cual ta worde propaganda como un "power pack". E motor chikito aki tin e valvenan parti arba den e motor, cual ta meita dwars den e auto. Ta e mesun motor potente cu tin den Austin Sprite y e Austin A-40, unicamente cu cylinder di poco menos capacidad, esta 850 c.c.

Chasis dje auto aki ta den dos parti, e wiel dilanti ta racea y spring

dilanti y patras ta independiente di otro. Interior dje auto ta sorprendentemente grandi. E bahul patras si no tin tantu lugar.

Ta worde anuncia cu e auto aki ta gasta un galon pa 50 milla. Apesar di e voorwielaandrijving e auto por lora den un circulo di 8,84 m. middellijn. E tanki di gasolin ta contene 5 galca y mei, y e velocidad maximo dje auto ta riba 100 km.

Un producto interesante di The British Motor Corporation Ltd! Srita. Alejandra Scharbaai ta posa banda dje Austin "7" manera nos ta mira riba e portret aki riba. E otro portret ta mustra con e motor di Austin "7" ta monta di dwars den e auto.



ORANJESTAD — Den nochi di Diamars pa diahuebs tabatin un accidente di trafico basta serio den cruzamento di Leliestraat y Weg Serce Pretio. Tabata entre e auto A-1623 cual P.A.W. tabata stuur y A-2467 cu J.P.F. como chofer. E ultimo menciona a keda herida na su pechu y cabez y mester a worde hiba pa Lago Hospital. Su auto ta total loss. E otro auto a hiba danjo di f 2.500.—. Polisnan di trafico ta investigando motibu dje accidente aki.

Por tur bo aseguronan
FATUM — Tel.: 1845

NOW ON DISPLAY
FROM AUSTIN-A NEW BREED OF SMALL CAR!
the incredible new
AUSTIN SEVEN




4-cylinder, 848 cc. B.M.O. engine.
4 forward gears.

Front-wheel drive. Fully independent suspension — no passenger space sacrificed. Up to 50 mpg. Over 70 mph. Ten foot long, parks in 11 1/2-foot gaps. Ten foot long, but roomier inside than many a 14-litre saloon.

AUSTIN LOOKS YEARS AHEAD

Warenhuis v.d. Ree LA VICTORIA

HAVE PLENTY OF PEPSI-COLA
Trade Mark Registered



The refreshment of friendship

EL CISCO KID

1. "E waag ta bai duro". No preocupabo... 2. "Esun cu ta stuur e waag ta tratando na aleba fei di e bandidonan, e sa loke e ta haci...". 3. Pero e no sa di su vida maera e ta ey.



IUAN EL INTREPIDO

1. E ta bisa: "Querida S. E... mi ta perdonabo... bolbe cas baek firma: A.G." "Esei ta e aviso, Sabina. Pronto un helicopero lo bin busca nos." 2. Y na e vliegfeld di Tokio... "Prepara e avion, pasobra mi ta regresa Hong Kong asina mi bolbe cu e mucha muher." "Si, señor." 3. "Ban mira... y ya bo sabi... Hugo no ta tolera error." "Hugo ta paga bon... como emplead, publico mal paga. Mi ta garantiza cu e mucha muher Eden ey lo no llega na vida aki nan."



DICK TRACY

1. "Okay - laga nos mira te unda e barra di koper aki ta llega." "Hm? Un kelder basta grandi pa move aden." "Ta un porta esaki?" 3. "Kiko esaki ta? E ta parece un tanki di bero - e ta rond." "Mira un boton ey." 4. "Sj e ta traba, e ta moviendo." "Ta un lift esaki ta?"



RIP KIRBY

1. "Mi sabi cu mi mester keda den e hotel mientras bo ta busca e estrangulador, pero mi por a bai cu bo awe?" "Ya cu bo a bisti... ta bon auto. Desmond." 2. "Den auto... ami a kere..." "Pronto lo nos ta baj riba cabai." 3. "Mi ta spera di gana estrangulador na 'El Latigo', un pueblo fantasma cerca aki banda." "Ban mira, cabai."



EL PRECIO DEL TRIUNFO

1. Sr. Saxon, nos lo limita un industria nobo cu por duna mil bende trabau y lo bo garantiza un bon ingreso, pa Riverton!" 2. "Y puesto cu esey tabata bo recomendacion, Sr. Saxon, ata e \$ 50.000 cu nos a contrata!" "Gran bondad di bo parti, señor! Awor si mi ta rico!" 3. "No queda tan desilusiona, Sra. Wilson... e parque infantil ta demasiado bon pa lagale un banda... Nos lo trahela tambe!"




EL DIARIO DE UNA VIDA

1. "Ya mi conoce e camina aki... awemainta mi a pasele caba..." 2. "Mi sa, senjora alcalde." 3. "Ta hacienda di bo tata!" "Si... aqui e la forma su caracte!"



PEPITA

1. "Eh, lamta ariba! Nos a bin busca e sofa ey!... eh..." 2. "Ami ta bisa cara..." "Y ami cruz..." 3. Flap. 4. "Cruz... mi a gata!"



DE ARUBAANSE VOETBAL BOND O P R O E P

tot het bijwonen van de Jaarlijkse Algemene Ledenvergadering, welke zal worden gehouden op **vrijdag 29 januari 1960** om 7.30 n.m. in de vergaderzaal van het Wilhelminastadion.

Agenda:

1. Opening van de vergadering.
2. Voorlezen notulen van de vorige Algemene Ledenvergadering.
3. Verslag van het Bestuur over het afgelopen verenigingsjaar.
4. Verslag van de penningmeester over het gevoerde beheer der geldmiddelen.
5. Verslag van de financiële commissie.
6. Bestuursmededelingen.
7. Bestuursverkiezing.
8. Benoeming van een financiële commissie.
9. Benoeming van een Commissie van Beroep.
10. Candidaatstelling voor de spelregel- en protestcommissie.
11. Candidaatstelling voor de elftalcommissie.
12. Candidaatstelling voor de Reglementscommissie.
13. Candidaatstelling voor de Strafc commissie.
14. Rondvraag.
15. Sluiting.

Aan de beurt van aftreden zijn de heren: E. de Lange, P. D. Kelly, H. E. L. Samson en J. Kelly, Door de verenigingen aangesloten bij de A.V.B. kunnen tot en met 15 januari 1960 kandidaten worden gesteld voor het nieuwe bestuur. Dit moet schriftelijk geschieden door ten minste drie verenigingen, terwijl van de kandidaat een schriftelijke verklaring overgelegd moet worden dat hij een eventuele verkiezing tot bestuurslid zal aanvaarden. Deze verklaring moet tegelijk met de kandidaatstelling bij de secretaris worden ingediend.

Tevens kunnen door de verenigingen tot en met 15 januari 1960 schriftelijk kandidaten worden gesteld voor de financiële commissie en voor de commissie van beroep.

Elk aangesloten vereniging is verplicht een stemgerechtigd vertegenwoordiger-meerderjarig lid der vereniging naar de Algemene Ledenvergadering af te vaardigen. De vertegenwoordiger is verplicht de vergadering tot en met de sluiting bij te wonen.

De vertegenwoordiger moet in het bezit zijn van een schriftelijke verklaring ondertekend door twee bestuursleden, dat hij gemachtigd is namens de vereniging op te treden.

Deze verklaring moet voor de aanvang der vergadering, waarvoor deze is afgegeven, aan het Bestuur van de A.V.B. worden ter hand gesteld. Aruba, 7 januari 1960.

Terror panico pa' anti-semitismo na Alemania Occidental

Bonn 7 jan. — E corant Aleman Occidental 'Bildzeitung' (di Essen) a informa riba su prome blaachi, cu un Judio bieu a bishita redaccion dje corant y a bisa nan aja cu e tin miedu atrobe. E homber bieu a pasa hopi anja den un campo di concentracion y e ta un dje poco hendenan cu a sali bibu for dje campo. El a bisa cu el a worde zundra poco tempu pasa, pasobra e ta Judio.

E corant a skirbi: "Ta monstruoso. E criminalnan cu ta pinta na muranan, no sabi qui cos diabolico nan ta haci."

Nos ta pidi urgentemente pa autoridanan traha mas liher y actua cu mas severidad contra e elementonan aki. No mester sosece cu un hende mester bisa nos: "Mi tin miedu". Esaki no mester existi na Alemania". "Poliznan na Berlin occidental a informa, cu entre e 21 personanan cu nan a arresta pa motibu di manifestacionnan na favor di nazismo, tin tambe un periodista di 39 anja, Guen-

ther Walter, kende a trata di forma un sorto di organizacion S.S. nobo, bao dje nomber "servicio di defensa propio democratico". E tabata kier pa miembronan dje organizacion hubenil nacional derechista bira miembro di dje. Nan a confisca entre otro un "Bruinboek" na su cas, cu mester a sirbi como justificacion di e existencia di gruponan derechista.

Un declaracion dje conseho mundial di iglesianan ta expresa su simpatia profundo pa e victimanan dje ola actual di antisemitismo y e ta pidi tur e iglesianan cu ta miembro dje conseho, pa lucha cu tur nan forza contra tur forma di discriminacion.

"E conseho kier afirma tambe su simpatia profundo pa pueblo judio, cu cual e cristianan tin comun un herencia precioso. El a expresa e deseco cu raiz dje rebihamentu peligroso aki di anti-semitismo lo worde eliminado inmediatamente."

Un trein a lastra un autobus na Polonia

WARSCHAU, 7 januari. — Aje- ra nochi un trein a lastra un autobus na Opole, Polonia. E organo di partido comunista ta informa cu e trein a lastra e autobus pa un distancia di 100 meter, 12 pasahero a muri instantaneamente. 3 a muri durante nan transportacion pa hospital. 39 persona a hanja herida.

E bus tabata warda pa un trein di mercancia pasa. E guardia a hiza e palunan mucho liher, pasobra ora cu e autobus a subi e rails, un trein di pasahero a bini di e otro banda y el a lastra e bus bai cune. E guardia a hui.

Algun dje victimanan ta hobennan cu tabata bini bek di un fiesta di tres Rey.

Declaracion di Boughubia

TUNES, 7 januari. — E presidente di Tunisia, Bourghuiba, a declara awe cu presidente De Gaulle por pone un fin na e bringamentu na Argelia pa medio di discusion, prome cu e conferencia supremo entre este y oeste cuminsa.

El a bisa den su declaracion cu anja 1960 ta e anja di Africa. Bourghuiba a bisa cu e ta contentu cu e ola di anti-semitismo no a pasa na Africa. El a bisa cu na Tunes no tabatin expresionnan anti-judio manera na otro lugarnan.

Petrona & Croes

Dakota - tel: 1712-1639

Pa tur sorto di REPARACION

na bo cas.



E surtido mas grandi den **BRIL DI SOLO** Aruba - Curacao

HOROSCOOP

ARIESNAN

21 Maart — 20 April
Trata di evita desharmonia den relacion cu otro personanan. No ta un dia favorable pa forma opinionnan definitivo ni pa toma decisionnan di termino largo.

TAURISNAN

21 April — 21 Mei
Paga tinu riba bo gastonan y trata di aumenta bo entrada. No gasta cu ni cos di bator pa loco. Limita e gastonan cu bo ta haci pa placer.

GEMINANAN

22 Mei — 21 Juni
Si bo ke trece cambio, check bon prome si bo no ta causa enemistad sea na cas of na oficina. Desonan personal probablemente lo tin di warda poco.

CANCERNAN

22 Juni — 23 Juli
Bo ta saka mas probecho pa bo mes si bo percura di tene bo mes poco atras y dedica bo na asuntunan cu mester di bo atencion. Bo por tin algun dificultad den bo trabao cu otro nan.

LEONAN

24 Juli — 23 Augustus
Cuida bo entrada sea di negoshi of profesion. Sea cuidadoso y diplomatico cu esnan cu por exigi algo cu tin di haci cu cen.

VIRGONAN

24 Augustus — 23 September
Bo ta haci robaz si bo tuma bo trabao of bo responsabilidad haci spetakel. Trata di para riba bo mes pianan. Haci bo trabao bon y ordent.

LIBRANAN

24 September — 23 October
No confia mucho riba otro den bo accionnan. No verwacht cooperacion ni atencion. Mior bo warda poco cu bo opinion y haci bo best pa mantene paz y harmonia.

SCORPIANAN

24 October — 22 November
No haci cos di slordig en cuanto fundacion di otro hende ni den bo accionnan, en cuanto bo amigunan. Por ta cu nan lo pidi bo un favor cu ta exigi energia y cen. No gasta mucho cen pa placer.

SAGITARIUSNAN

23 November — 21 December
No conta riba cooperacion of steun di otro nan. Muestra confianza den bo mes y di tal manera lo bo tene bo relacion cu tur hende satisfactorio.

CAPRICORNUSNAN

22 December — 20 Januari
Tur loke ta di interes pa bo trabao y bo salu lo ta di masha nifcacion. Evita actividadnan cu lo por stroba bo di bo rutina di tur dia.

ACUARIUSNAN

21 Januari — 19 Februari
Asuntunan di sernan queri ta exigi tempo y dedicacion. Sea practico pa evita gasto di riesgo.

PISAN

20 Februari — 20 Maart
Evita pasonan cu por causa dificultad cu bo casa y otro personanan. Tur loke bo haci na cas of na trabao, mester ser haci cu idea fiho di evita tur pleito.



Peter Townsend cu un tempu tabata namorado di Princesa Margaret di Gran Britania, ta presente awor den compania di su anterior secretaria di 21 anja di edad, jama MARIA LUISA JAMAGNE prome cu nan matrimonio banda di Brussel. E namorada ta acompañando Townsend durante su trip mundial den cual e ta trahando un pelicula documentaria.